

Oló SiōngChú ê Chìsiān

- 1 Halélú'iah, oló SiōngChú!
 SiōngChú ê pòkjîn ah, lín tiòh oló,
 tiòh oló SiōngChú ê miâ.
- 2 Goān SiōngChú ê miâ siū oló,
 tùi chit sî, titkàu éngoán.
- 3 Tùi jít chhut kàu jít lóh ê sóchāi,
 SiōngChú ê miâ sī engkai siū oló ê.
- 4 SiōngChú siū chunchông, chiauoát bānkok,
 I ê êngkng koân kòe cheng thiⁿ.
- 5 Siáng ē tàng chhinchhiūⁿ SiōngChú — lán ê
 SiōngChú?
 I chē tī chikōan ê sóchāi,
- 6 I khiampi àⁿsin,
 koankhòaⁿ cheng thiⁿ kah choân tē.
- 7 I tùi thōhún tiong koseng sànnchhiah lāng,
 tùi pùnsòtui nih thêpoát khiàmkhoat ê lāng,
- 8 hō in kah kùichók chòhóe chē,
 tòh sī kah púnkok ê kùichók chē chòhóe.
- 9 I kā bē seⁿkiáⁿ ê chabó lāng anti tī chhù nih,
 hó ī chiáⁿchò chítê ū kiáⁿjī ê khoailók ê lāubú.
 Lín tiòh oló SiōngChú!

Oló 上主 ê 至善

- 1 Halélú'iah, oló 上主!
 上主 ê 僕人 ah, lín tiòh oló,
 tiòh oló 上主 ê 名。
- 2 願上主 ê 名受 oló,
 tùi chit 時, 直到永遠。
- 3 Tùi 日出到日落 ê 所在,
 上主 ê 名是應該受 oló ê。
- 4 上主受尊崇, 超越萬國,
 祂 ê 榮光 koân 過眾天。
- 5 Siáng ē tàng 親像上主—咱 ê 上主?
 祂坐 tī 至 koân ê 所在,
- 6 祂謙卑 àⁿ 身,
 觀看眾天 kah 全地。
- 7 祂 tùi 土粉中高升 sànnchhiah 人,
 tùi 糞堆裡提拔欠缺 ê 人,
- 8 hō in kah 貴族做伙坐,
 tòh 是 kah 本國 ê 貴族坐做伙。
- 9 祂 kā bē 生 kiáⁿ ê chabó 人安置 tī 厝裡,
 hó 她成做一个有 kiáⁿ 兒 ê 快樂 ê 老母。
 Lín tiòh oló 上主!